

جَزَائِرَ عَمَّاكِرْ

جمعه ایرتسی

نومرو	صفر	سنه	اغستوس	سنه	محیفه
۶۶۵	۹	۱۳۰۹	۳۱	۱۳۰۷	۸۹۵۷

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش بوسته اجر قی ضم اولنور . بهر)
 (نسخه سی ینه مجیدیه یکر می غروش اولق اوزره یوز یاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (داتره سنده کائن جریده محاکم اداره سنه مراجعت ایلملیدر)

قسمت رسمی

(فی ۲۹ محرم سنه ۳۰۹ وفی ۲۲ اغستوس)
 (سنه ۳۰۷ تاریخنده بالجمله ولایات استیناف)
 (محکمه سی مدعی عمومیلر ینه ومدعی عمومی)
 (بولنمیان محاکم مدعی عمومی معاونلر ینه یازیلان)
 (تحریرات عمومی صورتیدر)

مراجعه نظامنامه سنک ماقبله شموی اولدیقه

دائر شورای دولت تنظیمات دائره سنندن تنظیم
 اولنوب فی ۶ ذی الحجه سنه ۱۳۰۸ وفی تموز
 سنه ۱۳۰۷ تاریخلی بیوردی سامی حضرت
 نظارتیناهی ایله ارسال بیوریلان مضبوطه نك
 صورتی معلومات اولق ومأموریتکر داخلده
 بولسان محاکمه تبلیغ قلنمق اوزره لفأ ارسال
 قلندینی بیانیه .



(شورای دولت تنظیمات دائره سنك اتیوز)
(طقسان ایکی نومرولی مضبطه سنك صورتیدر)
یونان دولتی تبعه سندن قاریدی و تبعه دولت
علیه دن قرده جه نام کسه لره اولان ایکی بیک ایکوز
التون دینه مقابل فائض مرکب حسابیه کندوسندن
سکر بیک بشیوز التون طلب ایدلمسی اوزرینه
پروژه بدایت محکمه سنده جریان ایدن محاکمه ده
رأس المالی تجاوز ایدن فائضك حکم اولنامسی
وفائض مرکب یوریدنامسی اخیراً نشر اولسان
مراجعه نظامنامه سی احکامندن اولدینی افاده قلمش
ایسه ده محکمه مزبور جه حکم نظامك ماسبقه
عدم شموله قرار ویرلش و بوايه نظاماً اویله
برمنوعیتی وضعده ارا نیلان مقصدی مغل بولنش
اولدینی بیانیه اجرای ایجابی استدعاسنی حاوی
انقره ولایتی والیسی دولتو عابدين پاشا
حضرتلری جانبندن تقدیم اولسان تحریرات
اوزرینه عدلیه نظارتیه مخابره یی شامل تذکره
سامیه نظارت مشارالیه انك اصلاحات عدلیه
قومیسونی ریاستیه مخابره یی شامل تذکره سی
وسائر اوراق متفرعه ایله برابر شورای دولته
حواله بیورلمغه تنظیمات دائره سنده قرائت
اولندی .

اصلاحات عدلیه قومیسونیونك جوابنده
پاشای مشارالیه طرفندن درمیان اولنان مطالبه
واهلینك تأمین حقوقیه مراجعه جیلرك تحدید
تعدیاته سبب اوله جینی جهتله مذکور نظامنامه
احکامك ماقبله شامل طوتلمسك موافق مصلحت
اولدینی افاده قلمش ایسه ده مقام نظارتجه بیان
مطالعه اولنمیدیندن صورت محرره نظارتجه
اساساً تصویب اولدینی حالده نظامنامه مذکورك
بوکا دائر اولان ماده سنك تعدیل و توضیحیه
یکیدن بر ماده نظامیه لایحه سی قلمه انهرق کوندلمسی
نظارت مشارالیه یایه بیلدیرلش ایدی .

کلان جوابده مذکور قومیسونجه درمیان
اولنان مطالعه استصواب ایله برابر شو مطالعه
اساساً طوغریدن طوغری به جانب نظارتدن
تکلیف اولنمیدیندن بحتله اجرای ایجابی شورای
دولته براغلمش و مراجعه نظامنامه سنك وضع
ونشرنده اولان مقصد فاحش فائض اخذینك
منعیه خلقك ضرردن محافظه سی ماده سی اولسنه
ومشار الیه عابدين پاشانك اصلاحات عدلیه
قومیسونندن تصدیق و تأیید ایدیلان مطالعه سی
دخی مراجعه جیلرك تعدیاتی تحدید ضمننده
نظامنامه نك ماقبله شمولی اساسه مستند بولمنه

عدلیه نظارت جلیله سندن دخی اقتضاسنك ایفاسنه
همت بیورلمق .

فی ۶ ذی الحجه سنه ۳۰۸
وفی ۳۰ حیران سنه ۳۰۷

قسم غیر رسمی

(اوچیوز بش سنه سی تموزینك ایکنجی)
(چهارشنبه کیجه سی ساعت التی بحق راده لرنده)
(سلحدار اغا جوارنده کوبری باشنده قیصریه لی)
(نیقولینی قما ایله صاغ قولندن جرح ایتدیکی)
(ادعاسیله مظنون علیه اولان قایقچی زنجی)
(محمدك جنایتله اتهامنه و مرقوم نیقولی به بر)
(توقاد اوردینی ادما قلنان قایقچی حسنك اجرا)
(قلنان محاکمه علیه لری ضبط نامه سی صورتیدر)

— مابعد —

ومعاینه راپورتنده دخی مرقوم نیقولینك صاغ
النده کوریلان جریحه دن ناشی بیاب ووسطی

مبنی اولوجهله بر ماده نظامیه نك تنظیمی لازم
کله جکی بررأی طرفندن درمیان قلمش اولوب
حالبوکه اداره یه متعلق بر ایشدن طولانی مراجعه
نظامنامه سنك بوکا متعلق اولان دردنجی ماده سی
احکامك ماسبقه عدم شمولی حقنده مقدما
شورای دولته برقرار ویرلش اولدینی کی ماده
مزبوره پکنلرده محکمه تمیزجه دخی او یولده
تفسیر ایدیلرک بالجمله محاکمه تفهیم کیفیت اولنش
واخیراً مجلس عالی وکلاجه دخی انی مصدق بر
قرار صادر اولش اولمغه تعدیل نظامه مغل
کوریه مدیکندن مشارالیه عابدين پاشایه اولوجهله
جواب سامی تسطیر وعدلیه نظارتیه بیال حال
اولنمی اکثریتله تذکر قلندی امروفرمان
حضرت من له الامر کدر .

فی ۲۳ ذی القعدة سنه ۳۰۸
وفی ۱۹ حیران سنه ۳۰۷

محمد کامل
وزیر اعظم

شورای دولت تنظیمات دائره سنك صورتی
بالاده محرر مضبطه سی موجبجه دولتو عابدين
پاشا حضرتلریه اشعار کیفیت ایدلش اولمغه

و بنصر و خنصر بر مقلری حرکات قابضه لرینک
ثلثانی ضایع ایدرک مرقومک صنعتی اولان
قایقجیلنی اجرا ایده میه جکی محرر اولسنه و متهم
زنحی محمد اولان نیقولینک مجروحیتندن معلوماتی
اولدیننی سوبدیک حالدہ عندالحاکمه حاصل اولان
احواله قارشو نیقولینک تر قوس صوقومانیه سنک
انشأئده قوللانیدن کر استه بی سرقه ایدر ایکن
قولیلر طرفندن ضرب و جرح ایدلیدیکنی درمیان
ایتمسه و مدافعانه کلنجه مرقوم نیقولینک مذکور
قولیلر طرفندن جرح ایدلیدیکنی حقه خبر
واماره یه دسترس اولنه مدیننی مثللو قانک زنحی محمد
طرفندن تشهیر ایدلیدیکنی جمله اخبار اتدن بولندیننی
جهتله جریمده استعمال ایدیلان قانک مؤخرأ
قایقجی حسنک اوزرنده بولنمش اولسی تقدیرده
دخی بوحال زنحی محمدک برات ذمتنه دلیل اوله -
میه جغه و جروح مذکورده نتیجه سی اوله رق
مدعی شخصی نیقولینک درت پرمنی حرکات
قابضه سنک ثلثانی ضایع ایدوب بوحالک باقی
قاله جفی و صنعتی اولان قایقجیلنی اجرا ایده میه -
جکی معاینه راپورتی مندرجاتندن اکلاشیلوب
بوده تعطیل عضو درجه سنده بولنسنه مبنی متهم
زنحی محمدک انکاری واهی و مدافعات مسروده
دخی بوجه محرر اسباب موجب قانونیه ایل

مردود اولوب متهم زنحی محمدک نیقولی بی قایله
جرح ایدرک صاغ النک درت پرمغک تعطیلنه
سبیت و یردیکنی و قایقجی حسنک دخی مرقوم
نیقولی به برتوقات اوردیننی تحق ایتمکله بولنردن
زنحی محمدک مجرمیتنه و جاهاً و حسنک دخی ضرب
فلنک فاعلی اولدیننه غیاباً بالانفاق قرار و یریلهرک
اولباده تنظیم و امضا اولنان قرارنامه علناً قرائت
اولندقدہ معاون مومی الیه مصطفی افسدی مجرم
و ضارب اولدقلری قرار کیر اولان زنحی محمد
و قایقجی حسنک قانون جزانک یوز یتش یدنحی
و یوز یتش طقوزنحی ماده لرینه تطبیقاً جزالرینک
تعیننی و وکیل مومی الیه دخی موکلی زنحی محمدک
جزاسنک تخفیفنی طلب ایتملرله مذاکره او طه سنه
عودت اولندی .

جهت جزائیله لر حقه دخی مذاکره
کیفیت اولندقدہ و جاهاً و غیاباً مجرمیتلری قرار کیر
اولنردن زنحی محمدک مرتکب اولدیننی فعل و حرکت
قانون جزانک یوز یتش یدنحی ماده سنک برنحی
و حسنک دخی یوز یتش طقوزنحی ماده سنک کذلک
برنحی فقره لرینه موافق اولدیننه و یوز یتش
طقوزنحی ماده سنک برنحی فقره سنده برکیمسه
بر شخصی جرح و یا ضرب ایل بر عضوبنی قطع یا

تعطیل ایدر ایسه مصارف جراحیه سی و حکم
اولنه جق دیتی استیفا اولنمسيله برابر اوج سنه
مدتله کورکه قونیلور و یوز یتش طقوزنحی ماده سنک
فقره اولسنده دخی جرح و ضرب اگر ماده
سابقده مذکور اولان درجه دن خفیف اولور
ایسه جرح و ضارب اولان کیمسه برهفته دن یر
سنه یه قدر حبس اولنور یا خود بوکا بدل برنجیدی
التونندن بش مجیدی التونه قدر اچقه النوب
مجروح و مضروبه و یریلور و یا خود بوضورتلرک
ایکسی بردن اجرا اولنور دیو محرر بولندیننه
مبنی بولنردن زنحی محمدک یوز یتش یدنحی ماده سنک
ذکر اولنان برنحی فقره سنه توفیقاً و ابتدای توفیق
اولان اوچوز الی سنه سی ذی الحجه سنک اون
سکرنجی کونندن اعتباراً اون طقوزنحی ماده
قانونیه منطوقنجه بعدالتشهر اوج سنه مدتله
کورکه قولنسنه و قایقجی حسنک دخی مذکور
یوز یتش طقوزنحی ماده سنک فقره اولسنه توفیقاً
برنجیدی التونی النوب مضروب نیقولی بی و یرلسنه
و ضبط و اعلام و استنطاق خرچلری اولان جمعاً
ایکیوز التمش غروشک مرقوماندن مناصفه
تحصیلله عدلیه و زنه سنه تسلیم ایتدیرلسنه و مصارف
جراحیه اوله رق معاینه راپورتنده کوستریلان
التیوز غروشک مرقوم زنحی محمدن بالتحصیل

فی ۱ تموز سنه ۳۰۷

(اوچوز الی سنه سی کانون ثانیسنک یکر می)
(برنحی کیجه سی ساعت بر قرارلرنده چانلادی)
(قیو جوارنده تنظیفات عربیه جیلرندن عثمانک)
(کیفیت ضرب و قتلندن طولای مظلون علیهما)
(اولان بالقجی صاری حسین ایل تاتار عثمانک)
(اجرا قلنان محاکمه علیه لری ضبطنامه سی)
(صورتیدر)

اوچوز الی سنه سی کانون ثانیسنک یکر می

قانونیه منقضیه اولمغه اجرای محاکمه سنه مذکورہ
ذی القعدة سنک ایکنجی کونه قرارلشدیرلدی .

یوم مذکورده متهمان مرقومان حسین و عثمان
علی الاصول توقیفخانه دن جلب ایله وکیللری
سلامی افندی معذرتنه مبنی کله مدیکندن واوراق
تحقیقه مآلرینه نظرأ مرقومان حسین و عثمان
یکدیگرینه عطف تهمت ایتمکده اولوب شوخالده
مرقومانه آرو آرو وکیل تعیینی مقتضای قانونیه دن
بولندیغندن کندی طلب و موافقتلرله حسین
محکمه نزدنده بولنان دعوی وکیللرندن قصار
و عثمانه دخی دردروف اقدیلر وکیل تعیین
ایدلرکدن و وکیلان مومی الیهم اوراق دعوائی
بالمطالعه مدافعه به حاضر بولندقلرینی سولیدلرکندن
صکره مرقومانک یانلرنده اولدقلری و مدعی
عمومی معاونلرندن ممدوح بک حاضر بولندیغنی
علناً محاکمه به بالابتدار مرقومان استجواب
اولندقلرنده بولنردن حسین ادرنه لی اون سکر
باشنده اولوب چاتلادی قبوده باله جلیق وقوندره -
جلیق و عثمان دخی قریملی اون طقوز باشنده
اولوب کذلک باله جلیق ایتدکلرینی سولیلرله
مرقومانه وکیللری مومی الیهمایه قانون مزبورک
ایکیوز التمش دردنجی وایکیوز التمش بشنجی

برنجی کیجه سی ساعت بر قرارلرنده چاتلادی قپو
جوارنده تنظیفات عرب به جیلرندن عثمانک کیفیت
ضرب و قتلندن طولای مظنون علیهما اولان
بالقجی صاری حسین ایله تاتار عثمانک جنایتله
اتهاملرینه دائر هیئت اتهامیه دن تنظیم واعطا
قلنان فی ۴ رمضان سنه ۲۰۸ تاریخ ویدی
نومرولی مضبطه ایله استیناف مدعی عمومیلکی
مأموریت بهیه سنک فی ۱۸ رمضان سنه ۳۰۸
تاریخ طقوز یوز التمش یدی نومرولی اتهامیه سی
اوراق متفرعه سیله فی ۷ شوال سنه ۳۰۸ تاریخده
محکمه جنایتله تودیع اولنمغه بالمطالعه اصول
محاکمات جزائیة قانوننک ایکیوز قرق سکرنجی
وایکیوز قرق طقوزنجی ماده لرینه توفیقاً مرقومان
حسین و عثمان توقیفخانه دن جلب ایله استجواب
ومدافعه لرنده معاونت ایتک اوزره وکیللری
اولوب اولدیغنی سؤال اولندقدده منتخب وکیللری
بولنددیغنی سولیلرله محکمه نزدنده بولنان
دعوی وکیللرندن سلامی افندی مرقومانه وکیل
تعیین وادعای مفسوخیت حقنده اولان ایکیوز
اللی برنجی ماده سی مندرجاتی اخطار قلندیغنی مبین
آریجه تنظیم اولنان ضبط ورقه سی تحت امضایه
الندی .

ادعای مفسوخیت حقنده معین اولان مدت

ماده لری مدلولاتی بعد الاخطار اتهام مضبطه سیله
اتهامنامه ضبط کاتی جمال افندی به قرائت
ایتدیرلدی .

مذکور مضبطه نک مآلی مظنون علیهمادن
تاتار عثمانک عرب به جی عثمانی ابتدا ضرب و مؤخرأ
قتل قصدیه تشهیر سلاح ایتدیکی وحسینک دخی
مزبور عرب به جی عثمانی من غیر تعمد جرح و قتل
ایلدیکی معلوم الاسامی کسانک افاده لرنندن و عرب به جی
عثمانک اثر جرحدن متأثراً وفات ایتدیکی دخی
معاینه رابورتنندن اکلاشلمش و بولنردن حسینک
حرکتی قانون جزانک یوز یتیش دردنجی و عثمانک
ضر به جراتی حقنده سبب شدت عد اولنمق
اوزره نوع فعلی قانون مذکورک یوز سکسانجی
ماده سی ذیلی احکامی مستلزم جنایاتدن بولنمش
اولدیغندن جنایتله اتهاملرینه قرار ویرلیدیکی
واتهامنامه نک مفادی دخی مرقومانک مذکور
مضبطه موجبه جه متهم بولندقلرینی حاویدر .

اتهامنامه نک خلاصه سی جانب ریاستدن
متهمان مرقومانه تفهیم و معاون مومی الیه طرفندن
دخی اسباب اتهاملری بیان وتفصیل اولندقدن
صکره مرقومان سولندیرلرکده بولنردن حسین

وقعه کیجه سی ساعت یازم راده لرنده رفیقی عثمان ایله
برابر چاتلادی قبوده کی قهوه خانه دن قالقوب
خانه لرینه کیدرلر ایکن انشای راهده بر قاج
کیمسه نک تنظیفات عرب به جیلرندن عثمان ایله
منازعه ایتدکلرینی کورمشلر ایسه ده بولنری
طایمقلرندن یانلرینه کتمیوب طوغربجه خانه لرینه
کتدکلرینی و عثمان دخی کیفیت حسینک افاده سی
کی اولوب کندوسی حسیندن آریله رق خانه سنه
کیدر ایکن دردست اولندیغنی بالیان هرایکسیده
عرب به جی عثمانک ضرب و قتلنده مدخل و معلوماتلری
بولنددیغندن بحشله کلیاً انکار تهمت ایلدیلر
مضبوط افاده لری قرائت ایتدیرلرکده مرقوماندن
حسین وقعه کیجه سی رفیقی تاتار عثمان ایله عرب به جی
عثمان منازعه ایتدکلرنده کندوسی تقریق ایتک
ایستمش ایسه ده موفق اوله مدیغنی و مؤخرأ تقریق
اولنملرله کندولری خانه لرینه کیدرلر ایکن تاتار
عثمان دردست اولوب کندوسی فرار ایتدیکی
و عرب به جی عثمانی تاتار عثمانی یوخسه کندوسی
جرح ایتمشدر سرخوش اولدیغندن ناشی بیله مدیکی
وتاتار عثمان دخی اولکیجه کندوسندن یکرمی
خطوه ایلروده حسین ایله عرب به جی عثمان یکدیگره
ساریله رق منازعه ایتدکلرلر ایکن عرب به جی عثمان
وای یاندم اورلدم دیمسی اوزرینه حسین یدنده

بجاق اولدینی حالد یاننه کلهرک برلکده آخورقویه
طوغری کتدکاری صروده حسینک حریفه بجاق
چکدم فقط اوردیمی اورمدیمی بیله مم دیدیکنی
سویلمش اولدقلرندن اشبواقده لری مرقومان حسین
وتاتار عثمانه تفهیم اوله رق نه دیه جکری صورلدقده
کندولری او یولده برسوز سویلمدکاری بیان
ایله انکارلرنده اصرار ایلدیلر مدعی عمومی
طرفدن ویریلان شهود پوصله سننده اسملری
محرر اولوب دعوت واقعه اوزرینه کیش اولان
زنحی بلال و حطب تشارندن حسین اصول محاکات
جزائیه قانوننک ایکوز التمش سکرزنحی ماده سنه
توفیقاً بعدالتحلیف متفرداً و مواجیه استماع
اولدقلرنده بونلردن زنحی بلال وقعه اقسامی
قهوه خانه کتمک اوزره چاتلادی قویه کلدیکنده
متهم تاتار عثمان ایله عربی عثمان یکدیگرینه
صاریلهرق مضارب ایتکده وحسین دخی عربی
عثمانک ایغندن طوتوب دوشورمهک چالشمقده لر
ایکن برچوبجی کلوب بونلری تفریق ایتسی و تاتا
عثمان دخی بجاغنی کشیده ایلمسی اوزرینه عربی
عثمان سوراق ایچنه صامش ایسه ده تاتار عثمان
ارقه سندن کتامکله اولوقت حسین النده بجاق
اولدینی حالد عربی عثمانک ارقه سندن قوشه رق
مرقومه عربی عثمان کندوسنی سپر ایتک ایچون

دیواره طیانینی صروده حسین یتشوب النده کی
بجاغی عربی عثمانک بوکرینه صایلامقده عربی
عثمانک اورلدم دیو باغردیغنی و تاتار عثمانده بش
اون خطوه کیروده بولدینی حالد همان حسین ایله
برلکده فرار ایتدکاری کوردیکنی اخبار و حطب
تاجری حسین دخی زنحی بلالک افاده سنی تصدیق
ایله برابر مضبوط افاده لرنی تکرار ایلدیلر
اساس ژورنالیه معاینه بی حاوی طیب راپورتی
و بلدی چاوشلارندن توفیق و محله بکچیلری بکر
و محمد اغالر حاضر اولدقلری حالد مجروح مرقوم
عربی عثمانک قبل الوقات ضبط اولنان افاده سی
قرائت ایتدیرلدکده بونلردن ژورنال مالی
جریان وقعه بی حکایه دن و راپورت مفادی عثمانک
صول ناحیه ایویه سنک طیش طرفنده اوجی
سیوری و بر طرفی کسکین بر آلت ایله حصوله
کلان جرحدن صول شربان ابوی مقطوع اولسیله
سیلان دمدن متأراً و قات ایتدیکنی ایضاحدن
وافاده مذکوره مزایلی دخی کندوسنی اوران
بچاوره جی مهاجر حسین ایدوکنی بیاندن عبارت اولغله
شهادات واقعه واحوال سائریه قارشو نه دیه جکری
متهمان مرقوماندن صورلدقده بونلردن حسین
بعض کره زنحی بلاله آبشو دهرک لطیفه ایتدیکندن
و حطب تاجری حسین ایله دخی غوغا ایلدیکندن

بونلرک کندوسنه نفسانیتلری اولغله افاده لرنی
قبول ایتیه جکنی و تاتار عثمان دخی فعل ضرب
و جرحه مدخلی بولنمدیغنی سویلدیلر تحقیقاتک
بوندن عبارت ایدوکی جانب ریاستدن بیان
اولندقده معاون مومی الیه متهمان مرقوماندن
حسینک عربی عثمانی بجاقله جرح و قتل ایلدیکی
و تاتار عثمانک دخی ضرب ایله برابر قتل قصیده
تشهیر سلاح ایتدیکنی اخبارات و کندولرینک
مضبوط افاده لری و عربی عثمانک قبل الوقات
ضبط ایدیلان افاده سی و معاینه راپورتی مندرجاتی
ایله تحقیق ایتدیکندن مجریترینک تحت قراره
النسنی و وکیل مومی الیه مادن قصار افندی دخی
شاهد لری موکلی حسینیه اولان خصوصتلیرینه
ومتوفی عثمانک مضبوط افاده سی شاهد لری طرفلرندن
تصدیق اولنمدیغنه و تاتار عثمانک دخی موکله
عطف تهمت ایلمسی کندوسنی قورتارمق مقصدندن
ایلرو کلدیکنه نظراً فعل قتلک موکلی طرفندن
ایقاع ایدلیدیکی اکلاشلدیغندن برائته و دردروف
افندی دخی موکلی تاتار عثمانک بجاغنی کشیده
ایتدیکنی حالد عربی عثمانک اوزرینه بورومامسی
وحسین عربی عثمانی جرح ایدرکن موکلی
عثمانک اون بش یکرمی خطوه کیروده بولنمسی
اخافه قصیده تشهیر سلاح ایتدیکنه دلائل کافیه دن

بولندیغندن موکلتک اولوجهله جزا دیده ایدلمسی
طلب و درمیان ایتلریله ولدی السؤل طرفینک
بشقه دیه جکری اولدینی اکلاشلماقله محاکمه نک
ختم بولدینی بیان اوله رق مذاکره او طه سنه
کلندی .

طرفینک ادعا و مدافعانتک استماعدن و اوراق
موجوده نک مطالعه و تدقیقندن صکره ایجاب کیفیت
مذاکره اولندقده متهمان مرقومان حسین و تاتار
عثمان هر تقدیر انکار جرم ایتکده و وکیللردن
قصار افندی دخی بروجه محرر مدافعه ده بولنمقده
ایسه لرده مرقوماندن حسینک منازعه عقیدنه
عربی عثمانک ارقه سندن قوشه رق بجاقله جرح
و قتل ایلدیکنی و تاتار عثمانک دخی عربی عثمانی
اولا ضرب ایدوب مؤخرأ بجاغنی تشهیر ایلدیکنی
شاهد زنحی بلال و حطب تاجری حسینک مع القسم
اخبار ایلملرینه و متهمان مرقوماندن حسین
مضبوط افاده سنده عربی عثمانی کندوسیمی
یوخسه تاتار عثمانی جرح ایتدیکنی سرخوش
اولدینی جهته بیله مدیکنی سویلیوب بوصورتله
اقرار جرم ایتش اولسنه و عربی عثمان جارجی
مهاجر حسین اولدینی قبل الوقات ضبط اولنان
افاده سنده بیان ایلمسنه و عربی عثمانک جرحدن

عودت اولندی .

جهت جزائیه لری دخی مذاکره اولندوقده
مرقوماندن حسینک حرکتی قانون جزانک یوز
یتیش دردنجی ماده سنک فقره اولیسنه وتاتار
عثمانک فعلی دخی یوز یتیش طقوزنجی ماده سنک
علاوه سنه موافق اولدیغنه وفقره مذکورده
برکیمسه من غیرتعمد بر شخصی اتلاف یتیش ایسه
اون بش سنه مدته کورکه قونیلور و ذکر اولنان
علاوه دخی قتل قصدیه اولیهرق مجرد اخافه
ایچون برینه سلاح چکن کیمسه دخی برهفته دن
الهی آیه قدر حبس اولنور دیو محرر بولدیغنه مبنی
بوفقره وعلاوه احکامنه توقفاً و مرقوماندن
حسینک ابتدای توقیفی اولان اوچیوز سکر
سنه سی حمادی الاخره سنک یکر می سکرنجی کونندن
اعتباراً اون طقوزنجی ماده قانونیه منظوقنجه
بعدالتشهر اون بش سنه مدته کورکه قونلمسنه
وتاتار عثمانک دخی تاریخ مذکور دن اعتباراً
ضربه جرأتی سبب شدت طوتیه رق درت ماه
مدته حبسنه وضبط واعلام واستنطاق خرجلری
اولان جمعاً ایکویز التمش غروشک مرقوماندن
بالتحصیل عدلیه وزنه سنه تسلیم ایتدیلمسنه
اوچیوز سکر سنه سی ذی القعدة سنک ایکنجی

متأثر آفات ایتدیکی معاینه راپورتنده کوسترلمسه
وتاتار عثمان عربی عثمانه تشهر سلاح یتیش
ایسه ده جرحه اجتناسار ایتدیکی وحسین عربی
عثمانی اوردینی زمان تاتار عثمانک بش اون خطوه
کیروده بولدیغنی جمله اخباراتدن بولنمسنه
ومدافعاته کلنجه شاهدلرک خصوصتاری اولدینی
حسینک قول مجر دنده قالدینی مثللو بیان اولنان
احوال دخی موجب خصوصت برشی اولماسنه
وعربیه جی عثمانک مضبوط افاده سی شاهدلردن
بشقه ایکی اوچ کشی طرفلردن تصدیق ایدلمسی
شهادات واقعه یی مؤید کورلمسنه نظراً مرقومانک
انکارلری واهی وقصبار افدینک مدافعه سی دخی
اسباب موجب مذکوره ایله مردود اولوب انهای
منازعه ده بالتهور مرقوماندن حسینک فعل قتله
جرأت ایتدیکی وتاتار عثمانک دخی ضرب و اخافه
قصدیه تشهر سلاح ایلدیکی تحقق ایتکله
مجرمیتلرینه متفقاً قرار ویریلوب تحت امضایه
النان قرارنامه علناً قرائت اولندوقده معاون
مومی الیه مرقوماندن حسینک حرکتی قانون جزانک
یوز یتیش دردنجی وتاتار عثمانک فعلی دخی یوز
یتیش طقوزنجی ماده لری نه موافق اولدیغندن
اولوجهله تعیین وکیل مومی الیهما دخی تخفیف
مجازاتلری طلب ایتلریله مذاکره او طه سنه

کوننه مصادف اولان اوچیوز یدی سنه سی
مایسنک یکر می یدنجی کونی کذلک متفقاً قرار
ویریلهرک علناً تفهیمی اجرا و اصول محاکمه جیه
معین اولان معاملات سائر ایشا قلندی .

فی ۲۷ حزیران سنه ۳۰۷

- (بیک اوچیوز بش سنه سی مایسنک اون سکرنجی)
(کونی اقسام اوزری ساعت اونبر قرارلرنده)
(قازلی چشمه ده اراکلک میخانه سی اوکنده)
(جمال موشلی طروسی بحاقله ضرب و جرح)
(ایلدیکی واشبو جرحدن متأثراً مرقومک وفات)
(ایتدیکی ادعاسیله مظنون علیه بولنان ابراهیمک)
(اجرا قلنان محاکمه علیه سی ضبطنامه سی)
(صورتیدر)

بیک اوچیوز بش سنه سی مایسنک اون سکرنجی
کونی اقسام اوزری ساعت اونبر قرارلرنده قازلی

چشمه ده اراکلک میخانه سی اوکنده جمال موشلی
طروسی بحاقله ضرب و جرح ایلدیکی واشبو
جرحدن متأثراً مرقومک وفات ایتدیکی ادعاسیله
مظنون علیه بولنان ابراهیمک جنایتله اتهامه دائر
هیئت اتهامیه دن تنظیم اولنان فی ۱۶ حزیران
سنه ۳۰۶ تاریخی و یوزاللی ایکی نومرولی مضبطه
ایله استیناف مدعی عمومیلیکی مأموریت بهیه سنک
فی ۱۱ تموز سنه ۳۰۶ تاریخ وایکی بیک سکر یوز
الهی نومرولی اتهامنامه سی اوراق متفرعه سیله
فی ۱۳ تموز سنه ۳۰۶ تاریخنده محکمه جنایتیه
تودیع اولنمغله بالمطالع اصول محاکمات جزائیه
قانوننک ایکویز قرق سکرنجی وایکیوز قرق
طقوزنجی ماده لری نه توقفاً متهم مرقوم سنه حالیه
تموز ینک اون دردنجی کونی توقیفخانه دن
کتوردیلهرک استیجواب ومدافعاتنده معاونت
ایتمک اوزره بر وکیل انتخاب ایتیمی تکلیف
اولندوقده دعوی وکیللردن رفیق بکی بالانتخاب
وکیل تعیین ایلدیکنی سویامسیله قانون مزبورک
ادعای مفسوخیت حقنده اولان ایکویزاللی برنجی
ماده سی مندرجاتی اخطار ایلدیکنی مبین طوتیلان
ضبط ورقه سی تحت امضایه الیدرلدی .

اعای مفسوخیت ایچون معین اولان مدت

قانونیه منقضیه اولغله مرقومك اجرای محاکمه سی
سنه جاریه تشرین اولنك اوتوزنجی صالی کونه
قرارلشدیرلدی .

یوم مذکورده قانون مزبورك ایکوز التمش
اوچنجی ماده سنه توفیقاً متهم مرقوم توقیفخانه دن
کتوردیلرک وکیل رفیق بکک عدم ورودینه
مبنی متهم مرقومك انضمام موافقیله محکمه تزدنده
بولنان دعوی وکیللرندن قصبار افندی مرقومه
وکیل تعیین قلنهرق اوراق دعوی قلم او طه سنده
بعدالمطالعه مدافعه یه مهیا ایدوکنی سویلمسیله
مرقومك یاننده اولدینی ومدعی شخصی مقتولك
برادری مغردیج ايله مدعی عمومی معاوئلرندن
مصطفی افندی حاضر بولندقلری حالده محاکمه
علنییه بالابتدار مرقوم استجواب اولندقدده
آستانه لی یکریمی سکزیاشنده اولوب ترلکجیلک
ایتدیکنی سویلمسیله کندوسنه ووکیلی موسی الیه
قانون مزبورك ایکوز التمش دردنجی وایکیوز
التمش بشنجی ماده لری مدلولاتی بعدالاحظار
هیئت اتهامیه مضبطه سیله اتهامانه ضبط کاتبی فائز
قرائت ایتدیرلدی .

ذکر اولنان مضبطه ک مآلی متهم مرقوم

ترلکجی ابراهیمک موشلی جمال طروسی بچاقله
جرح و قتل ایلدیکی اخبارات و دلائل و امارات
وراپورت مندرجاتی ايله تحقیق ایتیش وحرکتی
قانون جزانك یوز یتیش دردنجی ماده سی حکمنی
مستلزم افعال جنائیهدن بولنمش اولدیغندن جنایته
اتهامنه قرار ویرلش ایدوکنی و اتهامانه ک
مزایاسی دخی مضبطه مذکورده مؤداسی وجهله
مرقومك متهم بولندینی بیان و ایضاحدن
عبارتدر .

قانون مزبورك ایکوز التمش التبعی ماده سنه
توفیقاً اتهامانه ک خلاصه سی متهم مرقومه تفهیم
ومعاون موسی الیه طرفندن دخی اسباب اتهامی
بیان وتشریح ایدلدکدن صکره مرقوم سویلتد .
یرلدکده وقعه کونی ذکر اولنان میخانه ده عشرت
ایتمکده ایکن موشلی طروسک ایکی النده ایکی
نارکوله اولدینی حالده میخانه دن ایچروکیره رک
اون پاره یه نارکوله ایچن واری دیسیله کندوسی
طالب اولدیغنده مرقوم طروس کندوسنک دینه
ایماننه مذهبه غایت غلیظ صورتده سب و شتم
ایتدیکی و میخانه جینک دخی برادر اوسرخوشدر
سن اکا اویمه دیدیکی ایچون طیشاری چیقدینی
حالده طروس دخی ارقه سی صره برطاقم ارمیلرله

برابر چیقهرق دیگر ارمیلرک کندوسنی طوتوب
شدیداً ضرب ایتدکری صره ده پولیسره تصادفله
طروسی جرح ایتدیکنی افترا ایتدکرینی تذکار
ایله انکار جرم ایلدی اساس ژورنالیله معاینه
راپورتلری ومقتول طروسک قبل الوفات دائره
استنطاقده ضبط ایدیلان افاده سی لدی القرائه
بولردن ژورنال مآلی یوم مذکورده دوره
چیقمش اولان ژاندامه درستم وایزید اونا شیلرک
ذکر اولنان میخانه اوکنده برکورتلی مشاهده
ایدوب اکلامق اوزره کتدکرنده مرقوم ترلکجی
ابراهیمک برقاج ارمنی جمالری طرفندن طوتلمش
اولدینی کورملریله مرقوماندن ایدیلان سؤاله
جواباً مرقوم ابراهیمک فعل مذکور بعدالایقاع
فراره تصدی ایتدیکی جهتله در دست ایتدکرینی
سویلدکریچون مرکزه کتوروب استجواب
واوزرینی تحری ایتدکرنده جیننده بر بچاق قینی
بولدقلری ککی یولده دخی بر بچاق بولوب
مذکور قینه اویدینی وراپورتلر مندرجاتی دخی
مرقوم طروسک صاغ ناحیه قدامیسی اوزرنده بر
آلت قاطعه ايله حاصل ایکی ساتیمترو طولنده
عمقی مجهول بر عدد جرح کور یلوب عفونت دم
کله رک بر سنه صکره اندن متأثراً وفات ایتدیکنی
ومقتولک قبل الوفات ضبط ایدیلان افاده سی مفادی

دخی اسم وشخصنی طانیدینی براسلامک کندوسنی
میخانه یه دعوت ایدوب عدم موافقتنه مبنی
خانه سنه کیدرکن ارقه سنندن بچاقله اوردینی
وشمدی کندوسنه ارائه ایدلسه بیله تشخیص
ایده میه جکنی سویلدیکنی میندر مدعی عمومیلک
طرفندن ویریلان شهود پوصله سنده اسامیسی
محرر اولوب دعوت ایدلش اولردن مختار ولد
ادیک ايله خاجیک ولد اساطور مملکتلری جانبیه
کتمش اولدقلرندن دیکرلری سیواسلی اوتوز بش
یاشنده اراکل ايله فنارلی یکریمی اوچ یاشنده
خرستو کش اولملریله اصولی دائره سنده منفرداً
ومواجهه تحلیف واستماع اولدقلرنده بولردن اراکل

ما بعدی وار

ابتدار قلندی .

اعلان

فی ۲۲ محرم سنه ۳۰۹
وفی ۱۵ اغستوس سنه ۳۰۷

ایران دولتی تبعه‌سندن والده خاننده مقیم
تبریزی حاجی ابراهیم افانک تحت القلمه ده تیمور
طاش خانی او طه باشیسی اولدینی حالده شمیدی
اقامتگاهی مجهول بولسان بغوص عافیان نام کمنه
علیهنه برقطعه سند موجبجه اقامه ایلدیکی یوز
یکرمی عدد لیرای عثمانی مطلوبات ادعاسنک برنجی
محکمه تجارتده فصل ورؤیتی ضمننده مرقوم
بغوص عافیانک اشبو اوچیوز یدی سنه سی ایلولنک
اونبرنجی چهارشنبه کونی ساعت التیده بالذات
محکمه ده حاضر بولنمسی و یاخود مصدق سندله
بر وکیل کوندربلسی لازم کله جکی شاید کلز
وطرفندن وکیل دخی کوندربلسی ایسه حقنده
اصول محاکمه تجارت نظامنامه سنک مواد مخصوصه سنه
توفیقاً عن الغیاب معامله قانونیه نک اجرا
اولنه جنی معلوم اولمق اوزره تنظیم اولنان دعوتیه
ورقه سی محکمه نک دیوانخانه سنه تعلیق اولدینی
کبی غزنه لر واسطه سیله دخی اعلان کیفیت

تبعه دولت علیه دن (ی) صواجی اوغلنک
باسند مصدق وکیلی چیوی اوغلی بدوساکی
افدینک چوالجی تجارندن وتبعه دولت علیه نک
ارمنی ملتندن سیمون باسیان علیهنه درسعادت
محکمه تجارقی ایکنجی مجلسنده اقامه ایلدیکی
مطلوبات ادعاسنک فصل ورؤیتی ضمننده تنظیم
اولنان دعوتیه ورقه سی مباشری معرفتیه مدعی علیه
مرقومک محل اقامته لاجل التبلیغ ارسال اولنمش
ایسه ده مرقومک بولنه مدینی و اقامتگاهنک دخی
مجهول بولدینی ورقه مذ کوره ظهیرینه ویریلان
شرحدن کلاشامش ومدعی مرقوم وکیلی ایسه
ورقه مذ کوره نک اعلاناً تبلیغی باعرضحال استدعا
ایلمش اولغله دعوای مذ کوره نک اوچیوز یدی
سنه سی ایلولنک یدنجی جمعه ایرتسی کونی ساعت

یوز قرق طقوز نومرولی بر باب دکانی تاریخ
اعلانندن اعتباراً اون بش کون صکره بلزاید
فروخت ایتدیله جکی بک اوغلی بدایت محکمه سی
اجرا مأموریتی جانبندن اعلان اولنور .

فی ۲۰ اغستوس سنه ۳۰۷

راشد افانک $\frac{209}{111}$ نومرولی اعلام موجبجه
حاجی مصطفی افندی به دینی اولان معلوم المقدار
مبالغت تسویه سی ضمننده صاری یار یکی محله سنده
پازار باشی جاده سنده یکرمی بش نومرولی برقطعه
عرصه ده سکر حصه اعتبار یله متصرف اولدینی
بر حصه شایعه سنک تاریخ اعلانندن اعتباراً اون
بش کون صکره بلزاید فروخت ایتدیر یله جکی
بک اوغلی بدایت محکمه سی اجرا مأموریتی جانبندن
اعلان اولنور .

فی ۲۲ اغستوس سنه ۳۰۷

التیده محکمه مذ کوره ده فصل ورؤیت اولنه جقندن
یوم ووقت مذ کوره مدعی علیه مرقوم سیمون
باسیانک بالذات حاضر بولنمسی لازم کله جکندن
وشاید کلز و طرفندن وکیل دخی کوندربلسی ایسه
حقنده اصول محاکمه تجارت نظامنامه سنک مواد
مخصوصه سنه توفیقاً عن الغیاب معامله قانونیه نک
ایفا اولنه جنی معلوم اولمق اوزره تنظیم اولنان
دعوتیه ورقه سی محکمه نک دیوانخانه سنه تعلیق
اولدینی کبی غزنه لر واسطه سیله دخی اعلان کیفیت
ابتدار قلندی .

فی ۲۷ محرم سنه ۳۰۹
وفی ۲۰ اغستوس سنه ۳۰۷

راهب پانکیبوس لقونقونک $\frac{207}{111}$ نومرولی
اعلام موجبجه نیقوله رادویچه بقیه دینی اولان
معلوم المقدار مبالغت تسویه سی چون سلطان بایزید
محله سنده قلیج علی پاشا جاده سنده متصرف
اولدینی یوز قرق یدی نومرولی بر باب خانه ایله

بوسنه لی عثمان اغانک برنجی حقوق $\frac{30}{100}$ نومرویه
 مقید اعلام موجبنجه عبدی افندی ذمتده الاجنی
 بولنان معلوم المقدار مبالغتک تأمین استیفاسیچون
 تحت حجزه الهرق بالمزایده فروختی قرارلشد -
 یریلان صانیه ده حاجی حسین اغا محله سنده جامع
 شریف زقاغنده واقع تقریباً اوچ بیک آرشوندن
 عبارت و دروننده خراب بر بغچوان او طه سیله
 بعض اشجاری شامل اون اوچ نومرولی بر قطعه
 بوستانک سکر حصه اعتباریله مدیون مومی الیهک
 عهده سنده بولنان ایکی حصه نک تاریخ اعلاندن
 اعتباراً اون بش کون صکره بالمزایده فروختنه
 تشبث اولنه جنی در سعادت اعلامات نظامیه اجرا
 داتره سندن اعلان اولنور .

فی ۲۴ اغستوس سنه ۳۰۷

اسم وشهرتمی حاوی اولان وهر درلو اوراق
 دعاوی وسندات ومحركات سائرده قوللانیلان
 مهرم یدمده محفوظ اولوب فقط یالکر پوسته خانه نک
 تعهد وامانت معاملاتنه مخصوص اولوق اوزره
 باید یریلوب اوتهدنبرو آدملمز یدنده بولندیریلان
 وكذلك اسم وشهرتمی حاوی اولان دیگر مهرم
 یازیچیمز ابراهیم افندی یدنده ایکن پوسته طولانی
 اناختاری ایله برابر هر نصلسه ضایع ایتمش اولدیغندن
 مذکور طولابک کلیدی دکشدیرلدیکی کبی مهر
 مذکور ایله سند وسائر درلو برورقه ظهور ایدر
 ایسه هر حالده ساخته اوله جفتدن حامل وفاعلی
 علیهنه ساخته کار دعواسی اقامه ایدیه چکی اعلان
 اولنور .

فی ۲۷ اغستوس سنه ۳۰۷

دعوی وکیلی اوخانس
 موسدیحیان